

書名 皇明文衡一百  
卷 正德五年  
序刊本  
撰者 明 程敏政 輯  
明 范震、李文  
會 校

卷 卷九十四  
內容分類 集 總集 各代 明

索書號 大木 集部 總集類 30  
編號 D7861500

彩色首頁1

東洋文化研究所漢籍目錄 編號: D7861500


東洋文化研究所漢籍目錄所藏漢籍善本文影像資料庫 索書號: 大木 集部 總集類

30 漢籍善本文影像資料庫文本 皇明文衡一百卷 正德五年序刊本

版權所有: 東京大學 東洋文化研究所

使用上的注意事項

# 卷九十四



皇明文衡卷之一

代言檄

原檄



翰林院學士新安程敏政選編  
鄉進士國子監助教永康范震校正  
賜進士應天府儒學教授郊鄧李文會重校

宋濂



自古帝王御天下中國居內以制夷狄夷狄居外以奉中  
未聞以狄治天下也自宋祚傾移元以北狄入主中國  
不臣服此豈人力實乃天授然達人志士尚有  
美自是以後元之臣子不遵祖訓廢壞綱常有  
如大德廢長立幼泰定以臣弑君天曆以弟醜兄至於弟技



0 1 2 3 4 5 6 7 8 9 10







墓表

靜菴徐先生墓表

黃淮

先生諱垢字宗實以字行姓徐氏其先東海邳人宋南渡後  
 有諱千一者為黃巖令其子榮祖遂占籍為黃巖人先生之  
 曾祖也祖諱已元以子貴贈承事郎行樞密院斷事官經歷  
 父諱存翁仕元為江浙等處行樞密院都事母車氏贈宜人  
 先生兄弟三人而先生居長天資穎悟勤敏好學仲弟宗茂  
 學博才捷昆弟自相師友人稱為二難幾冠聞永嘉彭公庭  
 堅承徽國文公正傳講學鄉校先生攝屨負笈從之游深有  
 所領悟遂贅居永嘉以便力學年漸富而學益克負才尚氣  
 有經綸天下之志慕范文正公之為人恒誦先天下之憂而



憂后天下之樂而樂之語拊几昌言曰必如是而后可以言  
仕矣居無何元運告終弗克以展其素蘊於是韜光養晦設  
塾授徒若將終身焉淮童卅時受業于先生之門先生剛毅  
嚴正約教條為學規若官府號令賞罰勤怠悉當其情諸生  
咸知振勵洪武壬戌先生應聘共論治道時准年纔十六亦  
叨選入邑庠充弟子員有司以禮敦遣先生赴闕數被頌  
問敷奏剴切灼中時宜

太祖高皇帝深喜得人 敕銓曹任司風絕先生以草茅愚  
賤辭除銅陵簿復請歸迎母就養重旌

上旨謫翰役淮陰驛郡邑校官聞先生至爭出迎除館延致  
為賓師多所造就會 朝廷選駙馬都尉功臣子胡觀在選  
中慮其失教為擇師而難其人爰 命起公比授館教法嚴

明如在鄉塾時觀受教惟謹既冠入府成禮畢每歲館中  
使援他府例設駙馬位于堂中北牖下南面而置師席於西  
階上東面先生憮然曰師嚴道尊道尊然後民知敬學豈以  
我一布衣而詘師道哉輒手引駙馬位使下然後為說書既  
而明日復然先生乃為書貽之責以三事大義及富貴驕人  
之說觀泣下媿謝執弟子禮愈恭畧綺紈之習尚儒雅之風  
太祖深喜之召見獎論再三由是德譽日益彰著洪武末存  
登仕版初任蘇州府通判用薦陞兵部右侍郎兩持使節罷  
而復起轉尚寶司丞其判蘇州也奏發粟三十萬以活饑民  
當春暴水啣隄為患巡行郊野相視原隰大興治水之役採  
訪使以為妨農且勞民沮之先生上言他役可以妨農止水  
不退則田不可耕妨農莫甚焉况今規令有田之家量多寡

募貧人出而饑者得所資正所謂以佚道使民曷為勞民哉屬邑有節婦王氏郡乘載其事元末旌表未及行先生請旌之禮部以前朝事不允先生上言封比于墓非前朝事乎至今以為盛典 朝議謂其知大體皆從之其入為侍郎也首陳十事拍切時要凡會廷臣決疑議先生是是非非有所見歷言之不徇私不黨同一揆於義以故多有矛盾者其出而奉使也在兩淮多所建明政舉而民安之海州有節婦侍小花年十六許嫁而夫亡歸夫家成喪持服養姑送終剪髮自誓守節不二採訪使上其事所司以其年未五十不合例先生上言曰道遠處中始為合義守文執一豈曰得宜嚴婦既能哭夫於筮塋之初又能剪髮於葬姑之後雖刻眉截耳亦無以加自當與公立志卓異同科豈與守節尋常比例

廷論躓其言下郡邑旌之比使兩浙以嫉惡太過被劾怡然去職其為尚寶也年漸老而力漸衰伏遇

太宗文皇帝入繼大統優待老臣遂上疏乞骸骨許之歸家杜門謝客課子孫闢耕稼逍遙林泉之下冀盡餘齡以遂考終而已越二載臬司鞠囚獄詞牽連逮至 京得疾卒于旅邸垂絕侃然之氣不少貶是為正月二十二日也距生之年元至正甲申享壽六十有二冢子鏞扶襯歸葬于岱石山之原配潘氏繼室林氏俱永嘉士族子男三鏞銑鏗皆側室出也女一適同里金脊水南徵士道源之孫也先生平昔交游皆四方知名士或同事於試院或邂逅於旅寓或談笑歡洽於尊俎間慷慨豁達肝膽相照酣歌激烈分韻賦詩竟日忘倦訃音遠聞傷之者至號慟頓足歎息士林之寥落也嗚呼

剛直嚴正人之美德也先生以之立人節陳大義致位通顯  
收令譽於當時其亦不幸由之以貽嫉召釁終至於垂老客  
死于外其得其失何相去之遠絕耶蓋其得也由乎已道之  
所有也其失也係乎人莫之致而致也莫之致而致又何尤  
焉淮也侍鉛槧之日淺違善誘之日深弗克咨扣以卒所業  
然而師生之分沒齒而不忘爰擴行業之顯著者表諸墓道  
以慰遐思且以昭示後人俾有所觀感云

先妣吳孺人墓版文

陳繼

先妣孺人姓吳氏諱靜貞家為廬江名門世以易經為家學  
主試外藩科選者累世官貴金紫前後幾十人居同爨食外  
內幾百人孝弟雍睦若漢萬石君家家素埒封產田連絡數  
州頃集四千餘賑窮乏卹鰥寡給贍流亡義聲為當時稱最

元貞間詔旌表之大父某勸黃二州教授世父元舉交州同  
知再遷禮部侍郎父元正早卒兄進學

國初監察御史母張氏孺人生法從家耳目濡染皆洽軌範  
孝友仁恕若出天性也好經史探閱達奧義雅善琴能賦詩  
尤精巧文繡幼而及笄庖廚之所未嘗有其跡侍婢數十人  
未嘗見慢嬉惰容歲大疫家死者過半乃徙姑蘇止松陵故  
家名門交致行媒請為婚其姑之夫之父潘純子素曰衆莫  
如陳氏故相國之後風儀著聲子秀拔而賢也遂歸我先君  
我先君早孤立已憲度受於祖妣碩人碩人宋相江文忠公  
之孫執禮嚴密事為必求整時誦我祖考懋於學則道明安  
於欲則心晦之言孺人聞之三復致深意其事碩人無毫髮  
不悅其志碩人稱之曰吾婦真名門女也有姑三人將歸孺



人相先君治其事鉅細咸集不使動頌人心禮行送之及門  
曰教有名言毋忽是從先君少負重名四方賢俊求納交者  
過之座無虛席日為酒張筵飲之孺人執其勞怡怡如也先  
君勇為義窮急困悴者歸之倒囊不足志孺人出裝資副之  
歲不知其幾也先君志行高潔其期待已必欲倫於古之魁  
偉之人仕為經歷濟南無一不義之物奉口體及卒惟有所  
閱之書二萬餘卷篋笥無所實也遺孤繼才生十月三女長  
者歲九碩人年老孺人在少艾姻族嗟無為謀孺人曰吾命  
衰薄喪夫塞運集已然觀古傳史載列貞婦保孤嗣宗其道  
烈烈者正吾今日之志吾幸有姑庇依忍安孱弱而隆先緒  
也即謝膏沐絕容飾衣粗食糲宵晝紡績不知有寒暑操鋸  
荷鐻與奴共力畦圃孺人曰吾姑素享華整食飲不苟易

孺人變味其將不堪每具食羞列示嘉頌人甘之孺人意  
始慙也孺人形勞日甚或勸曰女大整壻扶家孺人曰未就  
木畏禮勿犯家固不恤也繼稍長孺人教讀孝經教讀小學  
論孟教讀詩傳日講發其義教為詩教操繅治音年十二遣  
從故老碩德道遠以麥粃作餌俾擷之俟饑暮歸課所業榮  
榮孤燈母子相依候不知夜之過半也教三女立行長適范  
文正公宗孫昭次有歸歿次適貢元劉政政與昭皆早逝二  
女秉志光振風節頌人年九十四而終初孺人喪我先君哭  
之有時若敬姜哭頌人哀慟踰節目遂成疾孺人端凝慧達  
臨事有明斷始先君在濟南孺人與俱  
國令初新民俗未變郡長迂懦大將出師臨境需用百出先  
君晝夜應事孺人裨助籌畫不失機宜先君處之裕如政令

章著也孺人持已待人忠敬醇一每祭祀必繫養供俎實齋沐承事翼翼盡誠孝雖年老終歲未嘗近外庭姻戚若不與交游者然吉凶賙遺而禮厚獨先也繼配簪纓故家金氏女孺人臨教甚恩採摭經傳為女範著教十條授之俾習為規撫教諸孫尤篤曰痛若翁不及見汝曹成也孺人之德宗姻法之鄉黨化之郡縣以聞敕御史旌之永樂二十一年孺人享年八十有一十月十一日卒明年十月二十日葬吳縣薦福山之茶塢孫男五人宗配陸氏寬配施氏宏配王氏宣配郭氏完少女一人歸謝璜曾孫男傳儀儀女二人其與婚者皆名族嗚呼我先妣孺人之歿也繼鬼隕慙喪不能自生痛念大德昭播當世無文示後以告子孫不孝之罪深酷也忍死以述聞見者勒諸堅珉而翰林侍讀沈公題曰

皇明節婦吳孺人之墓嗚呼痛哉嗚呼痛哉

王氏二良墓表

梁潛

義烏王氏兄弟二人長叔威次叔雍皆有美行而不得其壽以卒卒又皆在京師既返葬其弟祿以予嘗與其父博士君善也以其所自為狀及銘走書京師求表其墓且曰二兄有老母髮種種然有子皆幼弱今其墓壘壘並葬一原上過者無不流涕為王氏悲哀此二人幸先生辱賜一言非直以著不朽庶幾老母弱子望之以撫其哀也予悲二子有可哀者按其狀叔威諱某自少讀書穎悟絕人既長機敏好謀畫慨然有遠志然與人交恭謹退下恂恂然人遇之非禮弗較也應門禦侮公私百端耐接謹密鮮有敗事故起家至多貲甲於鄉閭卒年三十八叔雍諱某氣和色夷通敏秀朗讀書日

數千百言經史百家無不究覽擇友而父遇勝已者必思與之齊乃已常一至成均就其從叔博士君學見者莫不敬愛卒年三十一二人之志雖少異而敬身接物皆同至持事毋盡其孝處兄弟盡其愛又二人天性然也於乎二人同出於王氏同不得壽以卒卒之時又同蓋永樂二年夏春間相先後十日耳夫古今才不多見况並出一門世所謂機雲二惠者二子於此豈異乎哉昔人有所謂三良者予於二子亦謂之二良乎是可為王氏痛也王氏自五代時有節度使諱彥超者由會稽徙金華之義烏遂為義烏望族元石硯書院山長諱炎澤者其高祖也曾祖良常山儒學懿論祖裕者綸皆隱德弗耀

國朝官至翰林待制兼修元史總裁諱禕也則其後祖也夫上以承其先者二子之志為無忝矣則於壽夭又何足較哉書以弼之以徵夫來者

### 彭氏義阡表

王直

彭氏義阡者葬彭氏之死於義者也當元之季豪傑並起推埋剽竊之徒亦相扇為亂龍泉羅邦其一也彭氏居邑之雩溪世為仕族于時有文遠者英偉有才畧卓然為一鄉之望歲辛卯賊勢浸盛官軍不能制乃散財發粟集義兵以保鄉里賊頗畏之壬辰江西行省叅政全普庵撒里開分省于贛命張萬戶守龍泉許辟署從事張辟文遠為護民巡檢叅其軍領民兵守北門賊引衆及城下張與文遠屢出戰不勝因閉城堅守以待救癸巳春城中食盡且無援張夜率衆棄城去文遠殿舟至螺灘賊追及合戰衆饑困不能支勢且北文

遠使從弟大遠馳騎請兵于吉以圖興復率敢死士大呼奮  
稍入賊中欲刺邦不得殺數人賊亦攢槊向之文遠創重遂  
被擒大遠走告吉安總管為移檄泰和同知楊某使以兵復  
龍泉兵至境大遠為前鋒喻章村河涉南州河會風雨大作  
河水暴漲兵大半不得渡賊以衆蹙之遂擒文遠兄弟同日  
死於賊是年三月十一日也賊既得志憤彭氏倡義圖已其  
兄弟子姪有先在軍中或竄伏田里者皆捕而殺之自文遠  
而下凡十九人又婦女二人我

太祖高皇帝既受天命削除僭亂以興太平彭氏族屬之存  
者休養生息今七八十年日以繁盛蓋詩書禮義之澤未艾  
也然其老長閒居族坐相與談向時事未嘗不慨嘆文遠兄  
弟之英風義烈且深念夫死於其難者之無葬而皆不能歸

葬或無以嗣其後蓋盡然傷之疑文遠之再從曾孫項  
仲恭甫之賢子也聞諸老長而有慨於其心乃即零溪大塘  
口之原開兆域營冢壙倣禮各為木主以宣德三年七月望  
日招其魂而葬焉又以項城命置近田九畝以供歲時祭祀  
曰死者有知庶幾能安於此而無所恨矣嗚呼喪亂以來茲  
究縱恣善柔多隕於非命有能奮勵以討賊而舍生取義如  
文遠兄弟者誠少矣雖曰有之其宗族兄弟有能興哀於既  
久之後而為之歸使祭奠有所如疑者亦少矣然則彭氏其  
誠能篤於義哉是皆可表也疑來京師因其姊壻督府經歷  
項斐求子言欲為之書屢歸而刻諸石凡葬者之名諱次第  
則備載于碑陰

劉子欽墓表

錢習禮

景泰甲戌十月十有八日予友劉公子欽以疾卒于家明年乙亥正月八日其孤本祔公于金牛臺先塋之次既求郡守張侯瑄爲銘以納諸壙中復奉事狀踵門謁予文必表于墓上狀稱劉氏先世本沛人唐末有諱崇者仕于袁州刺史樂其風土因家焉後自袁徙吉州之永豐灞上又自灞上徙吉水之常海故今爲吉水人公諱敬字以行曾祖考學翁仕元爲恒山知縣祖考奇登至治癸亥進士考季道

國朝以薦起爲起居注遷制江按察僉事廉介有聲母曾氏昆弟三人皆傳家學公獨資稟超邁志於用世自少嗜學研覃經傳頷頷不少休落筆爲文動有思致儕輩推服郡守朱仲智聞其名舉補郡學生月試季考以及上官命試羣士第其文名往往出人右大見獎異聲稱出等夷益刻苦自勵求

樂癸未以書經中江西鄉試第一明年甲申禮部會試第二廷試登曾榮榜進士第時所取四百七十三人

太宗文皇帝命近臣拔其尤異者二十八人公在選中賜名庶吉士俾入文淵閣日讀中秘書以增益其學食於大官月給膏燭費燕閒之頃

上親臨問時舉僻書疑事以驗其學激勵而期待之者甚至朝野之人竦然謂

上作新材以大興文治士君子曠世奇遇交口歆豔不置公與同升之士人人感奮夙夜率勵以告報稱時母夫人在堂無恙迎至祿養于京鄉人榮之母歿奉柩歸襄大事執喪盡禮服除入翰林預修永樂大典

上慎刑辟以重惜民命乃簡授刑劄福建清吏司主事折獄

多所平反被其理者自以不寃亡何累坐謫戍廣西南丹困  
阨中處之裕如無幾微隕穫之態人用高之

仁宗昭皇帝嗣位

命廷臣凡經術之士謫居戎伍者舉任教官祭時爲翰林學  
士以公應

詔起爲臨江新淦縣學訓導教有師法生徒多所造就歷致  
福建湖廣應天鄉試去取精當物論帖然無譁歲滿力請致  
仕以歸卜居於郡城之西命其燕休之堂曰密庵人因以爲  
別號遠近學者聞之欵門而問業者麋至公之教人因其材  
質以訓迪之始終無怠意人故樂授其教若工部尚書文襄  
周公忱翰林侍講學士周叙太常少卿鄭維言國子助教羅  
伯初廣西按察僉事劉長吾皆出其門其他名爲書職教事

者不可遽數常時足跡未嘗入公府惟事干政體及表賢屬  
俗卽入言之守貳皆見聽用晚而文思不衰四方有來求者  
應之不倦人遂所欲而去曠達之懷老而不改其度故舊及  
門尊酒相歡意豁如也卒前一日出應賓客笑語如平時是  
夕漏下四鼓奄然而逝生以洪武戊申十月四日壽八十有  
八元配曾氏繼配羅氏王氏張氏皆踐婦職以順承公志子  
男一人本也女二人以妻曾益周禮孫男三人女三人皆  
幼於呼予與公生同邑學同志少而往還相好壯而相繼登  
朝老而先後謝事以歸慨念江鄉耆舊凋落殆盡思欲追往  
時會聚之樂趣不可得與夫於予二人者少假以年得從公  
於青原白鷺問嘯傲林壑共佚其老豈意公先棄我而逝哀  
豈能忘於情哉天之降材於人必將使之見於用世以達其

志大何公制於命材弗克施而志有未就俟善之天其不可  
必若此哀豈能忘於情哉且生而不大顯於時歿而無傳於  
後其何以爲爲善者之勸用列述公之材志學行俾刻諸宰  
上之石非惟慰公於地下永昭亦於後之人焉

祝先生墓表

周叙

括蒼祝先生既卒之二十年其門人鎮江儒學訓導潘君華  
具行實造叙求表諸墓今刑部侍郎薛君希璉前爲監察御  
史時亦數以爲言蓋皆以其仲子濠之請也叙永樂甲午先  
生主誠秋闈所取士且素與先君子職有府君厚善其謝事  
而歸也叙嘗率諸門生交游祖送之今不復作矣追感疇昔  
不能忘情則墓上之文何敢辭按狀先生諱盤字廷心姓祝  
氏括蒼麗水人居官橋里世有衣纓曾祖某祖亮死處州路

經歷父彥方安陸同知先生資性淳厚幼不妄語九歲通小  
學論孟書甫志學盡讀諸經旁及子史年十八不遠三百里  
師事太史金華宋先生景濂逾四暮學成始歸宋太史甚嘉  
與之洪武甲寅同知翁與郡守臨安郁公斌偕坐累謫役鳳  
陽先生即從故里携資裝往代勞役明年疫癘大作死者相  
枕籍郁無他子弟侍側疾革托以身後事既歿先生爲經紀  
歸其骨于家已而同知翁亦遘疾先生日奉湯藥夜則齎顙  
顙天洒泣悲哀求以身代翁瀕危數四時盛暑衆莫不勸預  
治喪具逮夜將半翁忽大呼曰金何在於是絕而復甦人皆  
謂先生孝誠所格已而翁遇寬恤恩復任遂引年致仕旣  
歸感未疾弗能起先生遍求名醫乃調膳饘侍寢左右衣不  
解帶者七載一日父歿哀毀逾禮母夫人懼其傷生越四

日強之食乃啜粥治喪不用浮屠葬祭一遵朱子家禮寢苦  
塊三年哭泣之聲如初喪其奉母夫人也備極甘旨之養母  
歿哀戚之情一如失怙凡親平生所嗜終身不忍食遇忌辰  
必先期齋沐致祭畢哭慟不食者終日其至孝蓋天性云處  
兄弟極友愛仲氏嘗求異居室廬田園從所擇畧無難色鄉  
有豪橫恒假虛詞肆誣構者先生正言反覆導喻之其人卒  
化服郡邑兩舉孝廉不就築室白溪山中自號蒙山處士有  
終焉之志久之與仲俱被徵仲氏應 詔授秦府紀善先生  
以疾固辭歲己卯郡守劉仲廉邑令周又玄屢造謁其門強  
先生分教麗水邑庠不獲已乃就至則周令特爲補樓一區  
慶之環樓植竹萬竿乃更其號曰萬竹山人端居講堂嚴矩  
度勤誨訓解惑析疑隆冬盛暑弗懈由是人才輩出盛於昔

時

江浦教諭邑居大江之北學舍至壞漏不可居先

生備葺廢墜教育之方視麗水益加永樂辛丑滿考乞致仕  
從之先生學問該洽操端識明每賓興之歲藩方爭聘爲考  
試官所歷四川河南江西福建皆稱得人而江西尤盛平生  
教學者以持敬爲主雖謝事家居筋力漸衰晨必冠帶詣家  
廟肅揖一月之朔望必造先塋拜掃鄉黨宗戚相過者未嘗  
以耄疾辭所著詩文有聆癡等集若干卷皆溫淳雅正類其  
爲人其生以元至正乙酉四月二十三日卒於永樂癸卯二  
月二十九日享年七十有九卒之歲十二月庚辰塋鄉之良  
山祔祖塋也配包氏元封上黨郡侯岐山之女有婦德先君  
十年卒子男二人漢濠淵孫男六東楠柴芬掃桐曾孫男六  
端淡璧傑二幼未名於乎孝百行之本敬德之聚也先生學



行卓卓皆足爲世儀範孰非事親之孝待身之敬之所推乎  
其學信有源委哉且潘君之屬予言也惓惓至十數往返不  
厭其篤於師若此亦足以知先生之教矣是皆在所當書者  
遂次第之如右俾歸遺其子刻之以識永久焉

奉直大夫尚寶司少卿袁公墓表

李賢

士生天地間有遭遇明時而不得見用於世者有見用於世  
而不得見知於君者有見知於君而無才術以顯其名者有  
名雖顯而不能保全始終福壽俱隆者今之君子兼而有之  
者吾於尚寶袁公見之嗚呼休哉公諱忠徹別號靜思前人  
世居南昌至七世祖子誠仕宋累官刑部尚書南渡時扈蹕  
家於鄞六世祖芳爲吉州泰和令高祖鏞咸淳進士爲宋死  
節曾祖澤民養道不仕祖士元爲元翰林國史院檢討官父

琪國朝太常寺丞贈中順大夫太常寺少卿

人公自幼穎敏神氣異常讀書強記童小時已能詩文凡名

士鉅儒一見知爲大器太常君精於風鑑公得其傳

文廟在潛邸時聞太常君名以書幣召之公隨侍

文廟見公論相大喜賞賚甚厚尋許歸家未幾

高廟崩建文嗣位信任非人猜忌宗室

文廟不安因有靖難志召公問之對曰天命有在誰能禦之

奉命纂人象大成書以獻賚予有加壬午夏

文廟入正大統首遣使召公父子至官其父太常丞且曰忠

徹臨事有斷制所言多驗特授鴻臚序班賞賚殊厚公入謝

曰

陛下當畏天脩德偃武崇文率由舊章振肅綱紀擢節財用

明慎賞罰禮貌大臣黜陟臧否用臻太平之治竝賜嘉納尋  
知公在戎籍卽令兵部蠲之又嘗勉公進學公以務冗對遂  
陞尚寶司丞且曰此職有暇可親詩書公退滿感激不怠  
申改中書舍人已丑春營北京公扈從既至因與大議復遣  
中使 召太常君至父子相隨出入 禁庭尋密遣公乘傳  
看 楚王子重瞳公還奏無他異庚寅春以公父高年優饗  
遣還公扈從北征旣還

上屏左右從容密問大臣優劣之狀武臣丘福朱能張輔李  
遠陳懋柳升薛祿文臣姚廣孝夏原吉蹇義孫中吳中呂震  
李慶方賓公一一論斷以對

上曰卿所識鑿正合朕意是歲冬太常君卒 贈葬加厚公奔  
喪 詔起復之癸巳春扈從至北京甲午春復扈征瓦

乙未夏

上謂公曰東宮不聞教子對曰臣聞古者不親教子宜選文  
學老成之人以輔導之責其成遂選儒臣儀智陳山等日侍  
講讀丙申春秩滿復尚寶司丞特加賞資戊戌春 召公至  
便殿示以進陞之意公固辭以父未有贈官卽日 召吏部  
贈其父官賜 誥命公益感勵進相書機要丙子陞尚寶司  
少卿 恩典稠疊莫與爲比壬寅春扈從北征公言利出東  
路

上不從洎還軍在東者果大獲復觀將兵者得利已而捷至  
每從征所言無不驗者

仁廟登極待之尤厚賜 誥命尋賜還家燎黃省視  
宣廟嗣位 召至京宣德改元丁內艱不獲奔喪 詔以從

子代還襄事一日見

上容色曰宗室人有謀上之意七日內示有報漢王反狀者公扈從往征之既還受賚彌厚甲寅春待展祭之請乙卯春

今

上嗣位公入朝已未夏懇乞致政既得請南歸傾朝縉紳祖餞都門外公之術奇驗於

文廟者不能盡述若公效忠讜論則人不及知者甚多如終大孝之情而慎密機事論養賢之實而瞻其取給乞賜孔氏玉軸之誥歷言遣使取寶之非議武職宜准終喪諫服藥勿信方士如此之類皆有人所難者休官居閒二十餘年忽遭疾顧其子曰死生常理吾何憾惟信誠忠厚可以立身汝宜勉之屏藥端坐而終公生于洪武丙辰十一月七日卒于天

順成寅三月三日壽八十有三娶邊氏累封宜人先公二年

卒子男二長應麟早歿次應驥鴻臚寺序班女七長適泰寧

侯子陳鏞次適都轉鹽運使金達次適光祿寺卿子并禮次

適寧波衛指揮萬全次適行人司副金亮次適昌國衛指揮

武銛次適王迥孫男女各二應驥將以其年某月某日與宜

人合墓于前隰山之側前期奉狀以治命來請表其墓公爲

人慷慨有大志不隨流俗正諭毅然不以利害少沮與人交

洞見肺腑不立町畦見人患難惻然救援囊不惜理有不

直者面折不少借其致政也聞

朝廷出令之善用人之當則躍然而喜有不便於民者必憂

形於色此其爲人豈特風鑒一事可稱道哉所著鳳池吟藁

符臺外集若干卷

皇明文衡卷之九十五

哀誄

哀志士辭

宋濂

奇雋之士無世不生特時人弗識之或識之而弗能用或用之而弗能盡其才所以聲光不流於當時事業不自於後世予竊悲之庚寅之夏因覽元好問所錄金之諸儒自辛愿而下凡五人見其氣節剛方言論磊落實所謂奇雋之士者也雖其行事或未能無過終非齷齪陳腐懣懣不振者所可冀其萬一然恨其有志而不能遂也因掇其大畧隸於各人之下又從而哀之以辭

辛愿敬之福昌人年二十五始知讀書自義有不通者搜訪百至必通而後已由是博極群書且善於文辭尤以是非黑